



17239

I Mag. St. Dr.

P

*Burszowie Matthias: Favens Apollo  
Generoso Domino Joanni Francisco Wolke*

PANEG. et VITAE

Polon. 4<sup>to</sup>

JE 1161.



Biblioteka Jagiellońska



stdr0000285



F A V E N S  
A P O L L O

GENEROSO DOMINO,

IOANNI FRANCISCO WOLSKI,  
Sacrae Sedis Apostolicæ Protonotario :

D V M

In Alma Academia Cracouiens. Art. & Philos.

BACCALAVREVS

P E R

Excellen: D. IOANNEM CYNERSKI RACH-  
TAMOVIVM Ordinariũ Eloqu. Profess.  
RENVNCIARETVR.

A

M. MATTHIA BURSOWIC, Philosoph.  
Doctore & Professore

E V O C A T V S.

BIBLIOTH. UNIV.



JAGELLONICAE

Anno quo

LaVri fragrantIs saCratâ fronDe reCInCtVs  
FrancIsCVs WoLski grato DotatVr honore.



# IN STEMMA.



*WOLSCI adum præclari Domus dum splendida gestae  
 Sydera, pro pulchro Stemmata forte stupesc?  
 Nil mirum: Patriæ Domus hæc nam lumine grato  
 Ut rutilo lucent sydera clari polo.*





## Fauens Apollo.

**I**nclyta Latonæ proles : magnique Parentis  
**O**rbem sydereum, qui summâ temperat arte:  
**A**onium nouem Rector Tymbræ Sororum:  
**N**ectarei cantus fecundis vatibus Author  
**N**ectaris ipse Deus permulcens carmine pleno,  
**E**xcipe vota precor, dictis ac annue nostris.  
**S**erta tuo veniunt digno texenda Clienti  
**F**loreque candidulo, teneraque virentia lauro.  
**R**es perdifficilis : nam lætos frigida flores  
**A**utumni rigidi læserunt tempora; tellus  
**N**ostra caret lauri viridantis frondibus altis.  
**C**elsa petenda forent Parnassi culmina celsi  
**I**n quibus Hippocrenæi de fontis amæno  
**S**uauiter Ascrææ potantur rore Camænæ  
**C**ulmina, sed non est sublimia prædere nostræ  
**V**irtutis. Tu magne Deus de vertice tanto  
**S**pargere fragrantés flores permitte sereno



Vultu Pierides, lauri concede virentis  
Vernantem baccam molli demittere ferto.  
Ordine quæq; suo florem demittat odorum.  
Lilia Melpomene, Narcissos culta Thalia.  
Sacra rosas Erato, Polyhymnia baccara, Clio  
Καλσα, thymos Euterpe, Calliope cyparissum.  
Irida Terpsichore, violas ferat Vranis alma.

I.  
**Melpomene Lilia.**

CLarij Sororum prima Melpomene Dei,  
Candida nitore candido lilia fero.  
Nam candido lac suxit ex vbere meum  
Academiae primis ab annis hic Cliens.  
Lolia dolus fert purus, ast lilia nitor.

II.  
**Thalia Narcissos.**

ENSoror docti venio secunda  
Cynthij, donans rubea Dearum

**Purpura**



Purpurâ florem, placidâ virentem  
Fontis ab vnda.

Namq; de nostro sapidos liquores  
Fonte degustans, tulit & laboris  
Feruidos magni, tulit & ruboris  
Peruigil æstus.

Flore Narcissi potiatur ergo;  
Vt penes fontem residens amænum  
Floreat semper, vireatq; semper  
Fonte fluente,

### III.

## Rosas Erato.

FLorem candidulæ rosæ Sororum  
Phæbi tertia largior diserti:  
Quem spineta ferunt acuta. Florem  
Profecto meruit rosæ micantis.  
Densas nam Logices & artis omnis  
Cum summo superavit ingeniq;  
Sudorisq; sui stupore spinas.  
Duro candidulæ rosæ labori  
Debentur, ferat otium vepretum.



IV.

**Polyhymnia Baccara.**

GRatos colore splendido,  
 Dulces odore Cyprio.  
 Adijcio flores, quæ manu  
 Designo cuncta, quæ loquor  
 Gestu Polymnia, baccaris.  
 O digne Vatis Delij  
 Cliens, fragranti candidam  
 Muneribus Actij Dei  
 Præcinge frontem bacchare;  
 Ne lingua noceat maleuola.  
 Bacchar repellit subdolas  
 Linguas, & angues sibillos.

V.

**Clio Caltam.**

CAndida Pieridum Clio dum tempora reddo  
 Æui transacti, dum cano gesta  
 Heróum, serito texendo defero Caltam  
 Florentem, quæ prouida solis

Obseruans



Obscrvans niuei cursum lætumq; repandens  
Exortum mæstumq; recondens  
Flores occasum veneratur. Tempora Caltâ  
Sunt meritò cingenda Clientis  
Huius. Nam lætus Parnassi lumina nostri  
Obscrvans orientia, cunctos  
Progressus solidæ doctrinæ spectat, & altâ  
Mente fouet, subeuntibus vndas  
Somniferæ Lethes, mæstus persoluit honores:  
Reddita sit pro munere merces.

VI.

Euterpe Thymum.

Adsum dulciloquis flatibus vrgeo  
Quæ blandos calamos Castalidum Soror  
Euterpe; Clarij suaueolentia,  
Vt Phæbi fierent festa Clientulo  
Flores læta ferens, quos teneræ manus  
De radice sacrâ Pierij iugi  
Decerpsere recens: Promeruit thymi  
Florem Cecropium: Nam velut illius  
Ex fla-



Ex fragrantis apes mellifluis legunt  
Hybleæ folijs mella tenacia.  
Sic in percelebri Craciadum oliens  
Parnasso spatians è varijs legit  
Doctrinæ folijs, mel sapientiæ  
Dulcis mella thymus, continuum fauos.  
Pergratos studium dat sapientiæ.

VII.

Calliope Cyparissum.

Carmina Calliope mandans Heroica libris;  
Adsum præstò, pio doctarum mota Sororum  
Exemplo, tristem ferti donans Cyparissum.  
Si quæris lætis cur tristem floribus herbam  
Miscuerim? Lætos sequitur nā semper honores  
Triste laboris onus, nec quicquā parte beatum  
Ex omni, vasto sub lunæ cernitur orbe;  
Gaudia sed luctus sequitur, post gaudia luctū.  
Quare præcinctus Cyparisso tristitia lætis  
Sis miscere memor: nitidū nam cādidus orbē  
Sol nitidis radijs post nubila gratius ornat.

VIII.



VIII.  
Terpsichore Irim.

Docti candida Cynthij

Cultrix Terpsichore quæ placido lyræ

Lætos perplacida melo

Affectus moueo concita barbyto

Phœbi dulciloqui, chori

Sacratas comitor Pierij Deas

Suaues confero flosculos

Iris, quæ varijs tincta coloribus

Aspectu rapit aureo

Cunctos & Cyprio recreat halitu.

O cultor Clarij Dei

Ornaris nitidis floribus Iridis

Picturis renidentibus

Doctrinæ variæ præditus abditis

Diuinæ sapientiæ

Illustrare animos lumine splendido

Vt tuto valeas: & vt

Cunctos concilies moribus optimis

Res est ardua non nego,

Vt cunctis placeas: est voluisse sat.

Bellus idem sit Vranie



## Vranie Violas.

EXpansus metas quæ nitidi  
Perscrutor cæli; quæ stellas  
Metior ardentes, quæ varios  
Casus ex motu veloci  
Vranie denuntio, Florem  
Purpureæ demitto violæ:  
Ornatus tam pulchro flore  
Vt celsas spectes cogitesq;  
Purpurei cæli stellas. Nam  
Plurima sapit hic qui sapit alta,  
Cætera mutantur pereuntque.

## APOLLO FAVENS.

PRinceps Sororum Piëridum potens:  
Summus canori carminis artifex:  
Dux inelytius vatum celebriûm  
Regna cui Thenedos Clarosq;  
Et terra seruit Delphica. Præstiti  
Fauens Apollo quæ precibus pijs  
Votisq; summissis petistis:  
Munera quæq; tulit Dearum



Floris fragrantis sacra colentium  
Montis sacrati culmina Castali  
En ipse solerti labori  
Ne videar vigiliq; curæ  
Deesse frondem profero munere  
Lauri comantis, quæ tua candida  
Coniuncta delatis Sororum  
Floribus Aonium decoret  
Cum laude summâ tempora. Defero  
Laurum virentem: continuo sacra  
Sicut viret Laurus, cliens sic  
Tempus in omne meus virescat.







---

CRACOVIAE,  
*In Officina Typ. Matthiae Andreouiensis,*  
*Anno Domini 1635.*







